

醉翁亭集卷之三

詩

皇明

登醉翁亭

趙輝

廣陵人駙馬都尉

天際層巒紫翠重
華亭新剏白雲中
四時美景留詩客
千古高風屬醉翁
蕭寺雪晴山鬱鬱
釀泉春暖水溶溶
我來喜復追陳跡
展席長吟逸興濃

尋醉翁亭故址

楊士奇

廬陵人翰林院大學士

空山泉石四無鄰，亭構當年已化塵。前輩文章關世運，後來瞻仰愧鄉人。寒林縹渺蒼烟外，霜迳逶迤古澗濱。景物已殊風俗在，壺漿來往見滁民。

登醉翁亭

薛希璉 括蒼人刑部侍郎

煥然重起醉翁亭，駐節登臨酒半醒。一脉醲泉盈澗綠，千章佳木入簾青。智僊遺跡堂堂在，歐老雄文字字馨。寄語後來諸郡牧，維持莫負草堂靈。

孫鼎

廬陵人監察御史

雲合群峰翠歆流，危亭重構幾春秋。泉鳴玉澗清詩興，嵐送珠林入酒甌。苔石尚題千載勝，野禽猶樂衆賓遊。醉翁佳賞嗟何及，春滿甘棠思不休。

鄭叔美 金華人

醉翁真天人，構亭時一醉。夢飛玉堂清，吏隱身勇退。沈子亦可人，援琴寫佳趣。有聲雖無辭，調高絕清緻。風流傳至今，豈惟繪文字。我

公判滁陽政清崇簡易惠愛入民深吏隱寬
無事何當亭再新歡呼歌善治亦有知音人
能寫琴中意相望一水間安得羽翼至

湯節 漕運參將

醉翁亭北二賢堂昭代崇賢謹奉嘗直道當
年皆出守斯文千載共流芳碧山祠並乾坤
永青史名爭日月光我忝後生懷景仰春風
吊古重彷徨

陳璉 羊城人禮部侍郎

滁城西南多好山峯巒矗立青雲端醉翁好
事擇幽勝構亭乃在山之間山迴路轉六七
里曲澗潺湲弄春水釀泉寫出兩峰 爽子翼
然平地起醉翁襟度非常人時來開宴延嘉
賓宴酣之樂樂最真山穀野簌紛前陳醉翁
之意不在酒好山好水凜所有胸中豪氣吐
虹霓筆下文光射牛斗一去人間知幾年山
光水色尤依然屢趾荒涼春雨裡斷碑剥落
秋風前我來登臨無限意欲談往事心先醉

方

今四海歌治平亭構尤懷嗣翁志他日重看復
故基眼前突兀增光輝會須更秉如椽筆為
寫磨崖百尺碑

王榮

錢塘人太僕寺卿

名亭蕭索隱崇岡幾度登臨倍感傷林蔚只
聞禽鳥樂山行偏愛釀泉香瑯琊路轉逾深
秀琬琰文存獨耿光輪奐喜逢賢太守高風
千載繼歐陽

釀泉

祝獻

鄱陽人太僕寺丞

碧天無雲秋萬頃銀蟾倒浸玻璃影素蟻寒
迫霓裳衣玉宇瓊樓不勝冷月華涓涓泉水
深泉香月白清人心陰晴圓缺不須問醉來
且和醉翁吟

釀泉秋月

吳鑑

合肥人太僕寺丞

一泓泉水淨涓涓來往人知是釀泉清湛冰
壺無限碧淨涵秋月十分圓須知有本流常
滿自信容光照不偏非遇歐陽賢太守佳名

那得古今傳

周叙 吉水人 院侍講學士

登臨遠上醉翁亭山繞瑯琊似列屏一徑曲
通僧寺宵兩峰斜挹釀泉馨雲開野色凝清
曙風度春聲徹紫冥讀罷遺文觴詠處多情
也愧不能醒

盧祥 嶺南人 太僕少卿

醉翁之意不在酒亦不在乎山水間醉翁之
樂在天下要使萬姓皆怡顏司馬有園名獨

樂醉翁之樂樂豈慳假令九原今可作吾與
醉翁相往還

段瑜 太和人

醉翁亭最古境勝逼滁城山繞瑯琊秀泉通
西澗清一時窮樂事千古振文名芳躅人皆
仰維持屬後生

武信 滁人 福建按察使

瑯琊山色夜模糊月下觀泉興有餘止水淨
涵銀世界寒淵新浴玉蟾蜍光浮波面冰輪

濕香落雲頭桂影踈千古清輝常自滿崖邊
尤照醉翁書

劉清

除人刑部侍郎

小景蓬萊到處聞偶陪諸老弄煙雲澗中流
水禽魚亂天外斜陽草對紛迎客山僧言款
款具觴童僕意忻忻酒闌散步林崖下細讀
從前太守文

釀泉秋月

談達善

古康人太僕寺丞

石髓流酥鬯味濃千年醇潔湧無窮金盤倒

浸蟾蜍影銀甕香浮桂子風灑氣帶酣迷野
對晴光散彩溢秋空醉翁亭子今陳迹此日
誰能踵舊蹤

彭光

本州太守

誰作華亭尚翼然醉翁曾此集賓筵崎迴一
徑通僧舍屹立雙峰瀉釀泉歲月已深入事
遠江山依舊野芳妍自慚出守懷陳迹才薄
那能繼二賢

周正

安陸州人
大同府知府

峰迴路轉亭翼然作亭者誰僧智僊後有醉
翁醉流連躋攀石磴披雲煙觥籌交錯開賓
筵雜陳肴菽酌釀泉樹林陰翳飛鳥還人影
散亂夕陽巔古往今來知幾年醉翁耿耿名
姓傳一從文字勒石堅至今草木爭光妍我
欲亭下漁且田日卧醉翁文字邊朗然高誦
心骨懸山中鹿豕相周旋吐吞雲夢輕人寰
但若俗慮紛紜牽寥寥千載如轉環誰與醉
翁相後先

黃鎬

福州人副都御史

兩峰高擁智僊亭路轉瑯琊曙色青樵客坐
觀佳木秀醉翁唵引釀泉馨望窮林壑雲初
合數盡觥籌酒未醒山水當年真得趣雄文
千古可通靈

張瑄

江浦人刑部尚書

永陽城外小亭幽記得童年此一遊形勝料
應元不改荒蕪見說已重脩遺民淳朴還如
宋太守賢明可繼歐老我不忘桑梓念登臨

未必此生休

蔣誼

金陵人監
察御史

曉來駉馬過滁州景仰先賢舊姓歐草結一
亭堪自醉山圍四面可追遊救時事業韓琦
類用世文章太史傳事往不須頻吊古夕陽
還送大江流

冒政

戶部
主事

江北瑯琊第一峰歐陽才調古今雄間關啼
鳥常如此來往遊人自不同石罅寒泉清徹

底山頭喬木秀刀連空日斜候吏催歸去咲我
頽然似醉翁

次韻 三首

戴珊

浮梁人監
察御史

春山歇雨午初亭撥蘚尋詩向石屏汗漫官
途車騎客醉遺事眼誰青

白雲踏碎看青山六一高風伯仲間謝得太
平官事少傍人未許訝偷閑
意中人遠不堪追羸得滁民口似碑風習有

關前度化醉翁無礙後來思千年山水剛專
譽一代文章為惜奇愧我江東超候晚陽春
空羨寄來詩

方漢

淳安人太僕寺卿

當日歐陽守此州曾拚沉醉共人遊心惟欲
與斯民樂志却能先天下憂千古名高山亦
重四時風靜鳥偏幽君臣際遇身如此龐得
芳傳億萬秋

孫允恭

潯人贛州府學教授

乘閑遠上醉翁亭酌酒聯詩醉復醒泉向石
根流出碧山從天外望來青霧迷谷口豹藏
綵風響松間鶴墮翎今古已更勝槩在想應
訶護有山靈

石澄

潯人焉臚少卿

勝事憑誰記往年山中朝暮尚依然郡曾紙
貴傳歐記地為翁來出釀泉一片飛花沾客
袂數聲啼鳥送樵煙

主恩幸許歸田早結社還應傍智仙

黃瓌

全椒人監
察御史

醉翁亭構兩山間中有流泉飲輒酣六一文
章存古刻西南林壑擁晴嵐勝遊已遂當年
樂故事從教後世談為憶舊遊勛力健忝陪
登賞暫停驂

陸晉

滁人寧縣
知縣

一亭構向釀泉西烈烈高名日月齊自古文
章關世教至今德化在昭黎時和風煖遊人
樂對密林深野鳥啼景仰前賢歸路晚山光

掩映夕陽低

龍俊

永新人儒
學訓導

醉翁亭上景無窮人去亭空景不空山水有
靈存勝槩乾坤不老識孤忠釀泉香通春風
煖古木深含曉露濃莊誦古碑心欲墮也拚
一醉夕陽紅

蕭璿

漳州人兵
科給事中

一泓秋月漾清泉泉上幽亭幾百年儘有好
懷供勝賞愧無文字效前賢舞雩佳景何多

讓曲水流觴豈浪傳既醉且醒成往事山間
朝暮尚依然

李傑

滁人長史

亭構堂堂扁醉翁至今誰不仰高風文留滁
郡稱三絕名重廬陵冠五忠泉水淨涵秋月
冷雲林陰鎖晚煙濃西南更有瑯琊景信是
乾坤秀氣鍾

劉愷

滁人監察御史

醉翁亭上一登臨消盡平生景仰心遊遍忽

驚天地別興來不恤酒杯深重重山色開圖
益汨汨泉聲自古今談笑且窮今日樂翩翩
歸騎夕陽沉

周信

福清人刑部員外郎

飛鳥遊人去不回蒼顏白髮咲登臺醉醒豈
是先生樂山水將忘太守懷野蔌偶然供宴
饌釀泉畢竟入鹽梅自慚此日來遊者空對
尋常麴蘖杯

談俊

東吳人監察御史

昔年駐節來安邑眼底瑯琊一點青今日斯
文如有約故人同上醉翁亭
一尊携入小亭臺賓主情懷兩度開自是先
賢人景仰青山休咲客重來

李蕙

當塗人巡撫都御史

醉翁亭子小蓬萊萬頃愁懷逐一開四面好
山排盡戟半空飛瀑吼晴雷碑文斷處苔應
沒詩句敲時雨又催俯仰乾坤倍惆悵一聲
長咲拂衣回

張賁

成都人太僕寺卿

此亭寥落依然在不見當時太守公位列伊
周真不忝學推孔孟有誰同環滁山水甲天
下有宋文章說醉翁三百年來接韓子名垂
不朽汗青中

四賢堂

永陽自古稱名郡牧守從來說四公相業千
年應可重文章百代孰能同漫論此輩遭時
宰却喜滁民仰數翁顧我登堂興不淺青山

幾點白雲中

二賢堂

醉翁亭子傍陰厓况復元之得與偕隨柳傍
花春色曉日高風靜鳥聲諧長才得句無勞
覓老眼看山底用指傳語淮南冀京兆二賢
可許結為儕

釀泉秋月

瑯琊兩峰表湧出玻璃泉石鏗響滴瀝秋月
照婵娟半輪何皎皎一脉更淵淵碧色潤厚

土寒光徹九天六一翁去後落落不知年泉
月只如此塵世任茫然

呂憲

嘉禾人太僕少卿

山勢徘徊送釀泉苔侵石刻幾風煙滁人尤
想六一醉坡曲不聞三兩絃宇宙自來開此
境文章公後說誰賢酒酣更歷瑯琊晚四馬
峰頭各掉鞭

李紀

江都人監察御史

聞說瑯琊境槩奇停駘聊此散襟期群峰環

拱孤亭外萬木龍葱碧漢涯青史不磨丞相
業蒼苔空覆醉翁碑登臨何限懷賢意芳草
斜陽去路遲

曾顯泰和人木州知州

醉翁亭在瑯琊畔依舊當時風景存野草閑
花通曲迳石橋流水接孤村兩峰泉溜霏晴
雨十畝松陰滿地雲真罷耕漿問歸路馬蹄
踏破月黃昏

張寅安福人太僕寺丞

韓范富公宋有聲文章事業仰先生空山亭
構幾百載古井泉留六一名地逼瑯琊天外
秀水通幽谷澗中清我來已遂登臨願仰止
空懷此日情

錢山本州人前監察史任副使

涉彼醉翁亭追想名亭意醉翁識趣高進退
兩無繫處變如處常所樂隨所寓樂此山水
佳樂此民物遂民物遂一州四海亦度內樂
哉當時民何幸此遭際日與醉翁遊遊與醉

翁醉遠似文王民樂同而異世醉翁去不返
寥寥幾多歲此亭尚翼然此名猶不墜况復
有遺文悠久同天地

次韻

作亭者誰僧智僊醉翁自號非流連文章垂
世等奎壁陵谷有時還變遷此老昔曾與衆
樂郡公近復推誰賢西江風韻有所受不道
古然今不然

周冕

池陽人南京
戶部主事

肩輿扶過石橋西路轉長松入翠微碧澗釀
來春酒熟青山合處昼屏圍禽聲上下客初
散野色模糊翁正歸往事百年春一夢細尋
文字別苔衣

白思明

太原人太僕
寺少卿

山下幽亭只數椽遺容儼雅宋名賢水流花
謝悠悠景雨去雲來近近天日煖野禽鳴檻
外夜深明月可亭前人間俯仰成今古須為
當時一愴然

李錕

河南人太僕少卿

歐公生有宋世運際亨嘉相業鳴當代文章
屬大家林泉隨所適詩酒樂無涯况有遺亭
在令人仰德華

胡諒

中州人太僕少卿

小亭屹立兩峰空歐老當年宴衆公樂與民
偕今古慕文明天下斗牛同四時好景歸滁
水一代名儒仰醉翁世變物遷人去遠追思
遙望白雲中

次韻

幽亭佳趣一蓬萊太守光明萬載開壘壘峯
巒竒比畫洋洋聲譽播如雷風生澗畔泉流
疾酒瀉筵前管籥催予忝僕臺閑賞樂幾番
瞻仰幾番回

張泰

嶺南人太僕少卿

誰構山亭記醉翁當時太守屬歐公親民政
事非凡吏用世文章有古風山色長連滁妙
碧巖老猶落釀泉紅遊人來往知多少日自

西斜水自東

滁山千仞碧嶙峋
仰止前朝老守臣
政有餘閒民共樂
心游太古物皆春
東風蒼鳥長為主
晚日壺觴更對賓
終古醉翁名不朽
口碑傳誦屬遊人

汪瀚

東人太僕寺丞

翼然亭子釀泉東
創自當時太守公
滿郡人民歌有袴
環滁山水樂無窮
鸞坡天上馳清夢
鶴髮遙前號醉翁
政事文章今古罕
令人

千載仰高風

西風聯轡遠躋攀
為訪歐公吏隱間
泉奏醉翁遙上管
山排太守宴前鬟
棠陰滿地于今在
亭子依崖盡日閑
一詠一觴留戀久
歸來夕照映酡顏

一造遺亭一悵然
醉翁元是玉堂仙
官閒州治渾無事
樂在山林別有天
傾倒松醪歡笑處
咬殘野蔌品羅前
一從亭記高題後
頓覺山川少比肩

山水環滁冠九州醉翁構得此亭幽峰回路
轉記猶在世濟民安志已酬一脉釀泉饒歲
月漫山芳草自春秋穹碑讀罷增惆悵耿耿
芳名萬古留

陳昂

漳南人太僕寺丞

林堪

莆田人太僕寺丞

醉翁亭子古今無勝地因人信不誣太守得
閑來便樂幽禽適性自相呼環滁山色皆屏
障滿目風光摠畫圖酒盃興闌賓客散夕陽

回首白雲孤

張瓚

孝感人巡撫都御史

瑯琊山畔宋賢祠暇日登臨願不違異世尚
題居士座良辰不見醉翁歸高山流水形猶
是飛鳥遊人事已非仰止清風成落寞翠微
秀色靄烟霏

宗彛

隨陽人監察御史

孤亭山畔點晴空春酒閑攜踏野紅人坐松
間侵草石僧敲溪外隔雲鍾東風花鳥愁吟

客南國江山識醉翁一井釀泉拚飲盡醉扶
雙袖月明中

趙文

南昌人任
本州知州

政務偷閑訪智僊醉翁亭上暫留連四圍山
色無今古幾處人家有變遷啼鳥落花傷暮
景尋詩載酒憶前賢我來忝作滁陽守景仰
高風倍赧然

王庭

青田人太
僕寺主簿

停車散步雨初晴疊疊青巒望轉明薛老橋

頭佳木秀琅邪谷口釀泉清當年亭屬智僊
作千載文專太守名覽勝歸來明月下援琴
寫取澗泉聲

廊廟丰姿守一隅幽亭宴會仰真儒為民為
德何曾愧有水有山聊自娛屈子不須嗔楚
澤聖俞安用賦靈烏翁來飲醉人皆喜千載
追蹤今有無

倪天民

古燕人兵
科給事中

環滁面面列奇峰到處山花照眼紅塵世幾

能開咲口煩襟頓覺染仙風無邊佳景虧真
宰畢竟傳芳以醉翁偶伴諸公肆遊樂任人
模寫盡圖中

此亭重建此山中坐此能令世慮空信步漫
尋前輩跡啣杯和暢故人風西南林壑多佳
竟今古民心共樂豐願與歐公同一醉免教
人喚獨醒翁

佳木翳繁陰峰回路轉深平生勞夢想今日

于冕

錢塘人太僕少卿

喜登臨客至山花咲春來野鳥吟悠悠手戴
下誰識醉翁心

潘府

越人兵部主事

老夫元是看山人疋馬南來趣更真相業已
隨流水去文章猶與此亭新環中萬象空吟
古天外諸峯自主賓秋思滿懷同一嘯隔林
鳥謾啼春

張澤

晉城人監察御史

故鄉賢太僕邀我醉翁遊徑曲通幽處泉深

出檻流碑埋春日草山峙古今秋撫景懷先
哲詩成雨到頭

劉必賢 除人監
察御史

按部歸來暫解鞍賞心聊共此盤桓二賢堂
翼青山古六一泉香白畫閑雲錦文章偏燦
爛春風花草自班闌林間禽鳥今猶古惆悵
遊人去不還

石祿 除人監
察御史

滿前芳對比棠陰春色堂堂坐轉深亭上壺

漿來復往山中文字古猶今臨流罷酒聊清
耳擇石題詩足賞心誰測歐公醉時意景行
千載共追尋

田益 鴈門人監
察御史

醉翁亭院好風光倦歌林泉酒一觴山鳥哢
音僊樂奏薰風撲面野花香重林疊翠含新
雨雙鶴翩翩翻傍舊堂誤入天台成往事此山
愈遠愈流芳

曹王 鶴城人湖
廣僉事

今昔滁陽幾廢興西南亭子獨崢嶸
林泉尚想當時樂魚鳥猶知太守名
一代文章傳石刻百年功業被蒼生
乾坤此地春常在盛世吾儒道正亨

章玄應

樂清人湖廣參議

環滁何地寄英靈一卧煙霞醉不醒
任昔已聞多勝事只今惟有此翁亭
雲深洞府花空落春到琅邪草自青
那得長唸蘇子操取琴彈與老龍聽

李宗泗

泗州西人監察御史

勝地名山試一攀醉翁文字滿人間
一溪流瀉寒玉數點好峯梳曉鬢雲散
月明遊客醉鳥啼蒼落老僧閑掀然一
咲過橋去浩浩天風兩袖還

白圭

涇州縣人本州判官

前哲亭臺古登臨逸興孤亂雲堆石壁
新竹礙山厨撫景懷遐躅臨文仰廟謨
遊人回首處風葉滿堦梧

張罕言

劉陽人本州判官

石蹬縈迂接翠微
依稀林影散朝暉
行吟草迳花沾袂
坐覓松陰雲繞衣
一脉香泉釀酒冽
滿溪流水蓄魚肥
不因幽勝耽遊賞
六一文章今古希

潘璋

福州人儒學正

留得高亭寄此州
悠悠歲月幾春秋
平生景仰心應渴
此日登臨志合酬
遺愛百年江海念
孤風千古廟堂憂
當時盛事今如夢
落日

寒泉空自流

何鑑

巴陵人儒學訓導

去城六七里
亭構兩峰間
盛事應難泯
高風杳莫攀
文章留石刻
景致隔塵寰
登賞歸來晚
斜陽已在山

林桓

南昌人儒學訓導

覽勝何妨載酒來
醉翁亭下久徘徊
坐嗟佳句尋芳草
貪看殘碑洗綠苔
樹影不隨流水去
花枝偏對酒顏開
回頭幾百年前事
尤有

餘光被草萊

孫序

滁人鄉貢進士

一路通幽逕行行興更濃
泉香堪釀酒寺杳只聞鍾
吊古尋殘碣吟詩對碧峰
歸來天已暮明月滿孤桐

陳敷

南陵人戶部中

王事馳驅不暫停題詩又到醉翁亭
連天釀水孤流白落日瑯琊半壁青
只道當時翁已醉誰知憂世眼偏醒
浪遊我亦膠陳迹青史

勲庸更典刑

沈周

長州人

丘亭兀兀倚殘碑風雨離披異昔時
天地不磨翁尚醉文章長在石何知滁山終古當
增價太守而今復謂誰振靡扶衰論作者未容
韓子獨稱師

王纘

山陰人楚府長史

我慕醉翁心曷已醉翁亭子未能遊
滁陽寓跡山多秀鄂渚牽懷水自流
同樂一時塵外

得孤忠千載世間留
讀餘舊記登黃鶴雲望
琅邪是與不

宋鈇濟南人儒學訓導

千古芳名稱六一高車尋訪日
連連樂山樂水人間少清節
清風世不遷江右文魁常耿
耿滁陽騷客歆賢賢我來尸
素寒壇久憶想當時豈偶然

林槌天台人儒學訓導

刺史潮州骨已僂廬陵氣脉
遠相連大材正

好居公輔小郡何勞屬左遷
一代文章垂後進千年風化
仰前賢空亭納盡山川景策
馬登臨思惘然

白晟昆陵人太僕寺丞

醉翁亭子寄滁州薄宦如今喜
共遊花鳥四時真趣在文章
千古美名留釀泉月白生吟
思幽谷風清豁醉眸歸路晚
來餘興好數聲樵唱出林丘

登醉翁亭

鐵溪高鑑信陽州人

醉翁千古喚難醒
林麓空然見此亭
群鳥不知還自樂
兩峯作意為誰青
雄文直與乾坤老
爽氣應同海嶽靈
獨有釀泉神物在
潺潺不斷水雲腥

傲睨乾坤酒半醒
好風吹上醉翁亭
雲拖雨去連天白
山過橋來拔地青
千載有人知姓字
九原無計起英靈
古今一種難銷恨
血染花枝杜宇腥

懶向人間較醉醒
偶因吊古過溪亭
山頭虎下村橋暗
樹杪鴉啼野蔓青
松院詩成堪泣鬼
竹爐茶熟可通靈
晚來促席臨流坐
雨洗空林宿鷺腥

林脩齊

廣東化州人
濠學訓導

歐公自是玉堂仙
遺愛于今幾百年
山色環滁青未了
棠陰滿地綠猶妍
江湖遠夢馳京闕
風月閒情寄釀泉
讀罷醉翁亭上記
乾坤俯仰興悠然

冀綺

淮南人
天府尹

豐樂山前一小亭醉翁幾度醉還醒潺潺流水如拖練轟轟高山似畫屏千古文章歸太史四時花鳥屬英靈獨憐遊樂人何在清興飄然入紫冥

二賢堂

二賢堂構傍層崖四顧山光面面皆莫道感時花咲舞忽聽恨別鳥音諧釀泉香散酒初冽碑字苔封手可揩永叔元之今已矣遊觀此日樂吾儕

弘治戊午季春嘗登此亭已刻名於崖石仲冬既望復分記中二句為韻各賦一詩鋟梓庸紀景仰之意云

錢山

滁人按察副使

醉翁亭子幽而雅釀泉一曲兩峯瀉天然一畫萬古新遊觀不盡往來者安得王維作九京殷勤為我題還寫詩中之畫畫中詩對此令人懷綠野

張泰

東廣人太僕少卿

前朝太守仰歐陽
徃徃陶情入醉鄉
綠壑行春民共樂
青山對酒世相忘
匡時相業追韓范
復古文章逼漢唐
沒謚文忠真不愧
汗青千載有餘芳

張賁

西蜀人
太僕卿

歐老雖云補外郡
此心自不忘
魏闕幾行石
剌剌莓苔一箇苑
亭寄山窟文光萬丈照乾
坤
忠義平生昭日月
目極環滁落木僵
歲寒獨見梅花發

胡諒

中州人
太僕少卿

仰顧層巒萬玉修
醉翁亭構幾春秋
當年政事元無匹
有宋文章第一流
趣樂山林真隱吏
憂先天下羨橫舟
平生忠義應難泯
千古芳聲廟獨幽

汪瀚

川東人
太僕寺丞

當時歐老守滁陽
沒後人思尚不忘
一代雄文歸太史
百年遺愛在甘棠
釀泉春晚苔花碧
幽谷秋深木葉黃
瓊重醉翁亭下記
流芳

千古姓名香

陳昂

漳南人
太僕寺丞

玉堂風月浩無涯
出守滁陽臥郡齋
欲使閭閻多禮讓
但將詩酒豁襟懷
閒聽谷鳥歌還詠
醉挿山花戲且諧
遙憶此翁仙去久
遊人來往興何佳

林堪

莆田人
太僕寺丞

環滁山水真清淑
在昔歐公領民牧
山間作亭記醉翁
前有釀泉後幽谷
公餘與客對壺

觴衆樂那能吾所獨
當年植得幾株松
至今人比甘棠木

白晟

昆陵人
太僕寺丞

粵自鴻濛開宇宙
環滁山水通淮右
宋朝郡守說歐陽
坐使吾民飲醇酎
山間亭子名醉翁
自作記文述先後
至今遊者挹高風
信哉奪盡廬陵秀

王庭

括蒼人
太僕寺簿

當年歐老守詞垣
出守滁陽政不煩
海內高

名千古重棠陰遺愛百年存春深幽谷聞啼
鳥歲晚空山泣斷猿讀罷醉翁亭上記不堪
黃葉擁階繁

趙文南昌人
滁州知州

智仙亭作傍幽林歐老當年感慨深民物一
時同此樂文章千古見吾心當時只說醉翁
記今日爭傳太僕嗟愧我才踈聊短述此名
何幸寄碑陰

呂憲嘉禾人
太常卿

才力應慚老更微八年沉醉願多違只緣山
水公來重漸覺文章作者稀此地官遊方袞
袞古亭別思正依依出門寸步為陳跡且立
斯湏待落暉

高崇熙玉亭人
監察御史

淮南按節遠觀風下馬滁陽訪醉翁雨過瑯
琊山色裏春回幽谷鳥聲中棠陰惠愛入千
載石上遺文記一通爽酌釀泉歸路晚乾坤
俯仰思無窮

千載南來喜盍簪醉翁亭上一登臨也知昔
日仁民政都是先生愛國心山色連雲開
盡泉聲落澗奏瑤琴皂囊封事應收什入對
重瞳播德音

任漢

西蜀人
監察御史

觀風偶上醉翁亭山擁雲煙似列屏一徑入
來林壑美兩峰瀉出釀泉清平沙落鴈迷寒
暝古木棲鴉噪晚晴何用凭欄重興感于今
西澗更多情

登臨有約已丁寧雨後滁山故故青豪興夜
來禁不得夢中先到醉翁亭

劉黹

壽光人
中書舍人

青繞江城千萬峰曾聞勝槩是滁中小亭此
地還今日白髮何人更醉翁禽鳥豈能知我
樂江山應自頌春風題詩欲寄岩頭石只恐
匆匆句未工

平生愛讀醉翁記今日偶然此一過好景儘
隨春意足青山還似舊時多古人遺跡真誰

到遠客歸心柰我何莫恨匆匆遊未遍猶勝
想像入詩歌

超然清思杳難窮又入瑯瑯古寺中芳草未
多山骨瘦白雲初盡晚天空筭程已到三千
路吊客偏懷六一翁獨上峰頭望京闕九重
紅日正曛曛

沙頭一徑入岩嶷冒險尋幽肯憚遙瀟洒不
勝遊客興徘徊多謝故人招偶觀石刻懷唐
筆閑與山僧說宋朝便欲濯纓清澗水塵紛

到此已全消



醉翁亭集序

古州治也民淳事簡至于

今然昔歐陽文忠公未守於此

得寓情於山水杯酒之間此醉

翁亭所以建亭記所以由作也

天下後世涌公之文仰公之風
慕滁陽山水之勝恨不翼登
斯亭然或列

朝駮驅宦轍於中外枕泉
石卧烟霞於鄉曲者恒不得


滿其以願徒低徊羨慕抱恨
於一世者有焉亭之興廢
幾千百年古今名人題咏亦
多皆揄揚公之風度形容
山川之出勝鏗鏘金石卓々

沈世之音第以散逸他籍
漫無歸宿余從子婿曾克
達氏來守是郡首謁公祠而
嘆是籍之無傳遂彙集而
鋟梓之使好竒之士得於誦

讀之餘則公當時之樂與夫
山川之勝宛然在目雖不造
其地可似釋然而無以恨矣
雖然人徒知公之樂而不知其
所以樂當是之時以直道事

四

明倫彙編
家範典



--	--	--	--	--	--

